

Mazarin
3974

Les Veritables particvlaritez

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3974

UNIVERSITY OF N.C. AT CHAPEL HILL



00023014774

17
3974

LES VERITABLES PARTICVLARITEZ

APPORTEZ PAR LE
dernier Courrier, du combat
donné entre l'Armée de son
Alt. R. & celle des Mazarins
deuant la ville d'Estampes, le
Samedy quatriéme May 1652.

*Auec la prise de deux pieces de Canon par l'ar-
mée de son Altesse Royale.*



A PARIS,
Chez ANDRE' CHOYQUEUX, rue Saint
André des Arts.


M. DC. LII.

Auec Permission de son Al. Royale.

LES VÉRITABLES
PARTICULARITÉS

APPORTEES PAR LE
Général Comte, du combat
donné entre l'Armée de son
Alt. R. & celle des Massimins
devant la ville d'Essampes, le
Samedi quatrième May 1702.

Avec la prise de deux pièces de Canon par l'art
mère de son Altesse Royale.



A PARIS,
Chez ANDRÉ, CHOUVEUX, rue Saint
André des Arts.

MDCC. LII.
Avec Permission de son Alt. Royale.

LES VERITABLES PARTICULARITEZ apportez par le dernier Courrier, du combat donné entre l'armée de son Altesse Royale & celle des Mazarins deuant la ville d'Estampes, le Samedi quatriéme May 1652. Avec la prise de deux pieces de canon par l'armée de son Altesse Royale.



COMME les premieres nouuelles d'une bataille ou d'un combat ne sont iamais exactes à cause du grand desir qu'on a de les mander promptement aux amis, qu'aucunefois, mesme l'on ne se donne le temps d'attendre le succez de la meslée; ce qui fait qu'on y trouue à redire pour les derniers auis qui s'escriuent à loisir apres en auoir pris les particularitez: d'autres en parlent selon leur interest & la passion qu'ils ont pour le party qu'ils embrassent, subiect pourquoy ils ne mandent & ne racontent

qu'une partie de l'action qu'ils desguisent ainsi qui leur plaist, ce qui est neantmoins important au public, qui desire en apprendre la verité sans desguisement.

C'est ce qui est arriué au sujet de ce combat faict deuant la ville d'Estampes, car les escrits & les discours qu'on a faits tant à Paris qu'à Sainct Germain en Laye sont tellement contredisant & different que iusques à present il n'auoit esté possible d'y faire aucune reflection asseurée.

C'est pourquoy nous auons crû d'auoir laissé courir ces premiers aduis parmy le public & d'attendre les veritable nouvelles pour luy en faire part, comme nous faisons de ce que nous auons appris du dernier Couriers des Princes, & des prisonniers relaschez, desquels l'on a sceu les actions plus singulieres de ce combat,

C'estoit au temps que Madamoiselle d'Orleans fille de son Altesse Royale retournoit d'Orleans à Paris, selon les ordres que sadite Altesse luy en auoit enuoyez, & comme elle approchoit d'Estampes quelque Caualerie

ualerie en sortit pour luy aller au deuant & luy rendre les complimens d'honneur & de ciuilité qui appartiennent à vne Princesse de si haut merite.

Ce qu'ayant sçeu les Mareschaux de Turenne & d'Ocquincourt qui estoient és environs de Chastres, commandant l'armée Mazarine, se resolurent de faire auancer leurs troupes vers ceste ville d'Estampes, tant pour surprendre ceste Caualerie à son retour que pour attaquer quelques quartiers de l'armée de son Altesse Royale qui estoient au tour de la ville.

En sorte que le Samedi quatriesme May sur les dix-heures du matin, ils attaquèrent le quartier des Allemands commandez par le Colonel Brouch & le surprenant, ils en deffirent vne compagnie vn peu trop escartée des autres.

Après quoy ils poussèrent iusques aux Fauxbourg S Martin de ladite ville d'Estampes, qu'ils pillèrent d'abord, & comme ils s'en vouloient emparer la garnison de la ville composée de trois Regimens, sçauoir du

Regiment de Languedoc de quatorze cens hommes, du Regiment de Valois de mille hommes & du Regiment de Condé de huiët cens hommes, faisant ensemble plus de trois mille soldats bien agguerris & resolu avec leurs Officiers, lesquels sortirent sur l'armée ennemie & vindrent aux mains, où d'abord ils defirent & mirent en déroute le Regiment de Picardie des meilleurs de France, & celuy de Nauailles, ce qu'ils firent avec la hallebarde & l'espée, apres auoir fait la descharge de leurs mousquets, & ainsi repousserent les Mazarins & les firent abandonner ce fauxbourg de Sainët Martin.

Comme ce combat fut grand & opiniastré aussi fut-il suiuy d'environ cinq cens qu'Officiers & Soldats tuez & entr'autres y fut tué le fils de Monsieur le Feure Preuost des Marchands de Paris, qui estoit en ce reneontre, & d'autant de prisonniers de parts & d'autre: le plus grand eschet que firent les Mazarins fut sur le quartier des Allemans qu'ils endommagerent avec le Canon, duquel ils auoient huiët pieces montées, dont deux fu-

rent prises par les gens de son Altesse Royale & emmenez à Estampes, les Colonels Brouch Fustemberg y furent tuez & fort regrettez pour leur valeur & conduites: apres cela l'armée Mazarine se retira vers Chastres où l'on ne voyoit arriuer que Soldats blesez les vns la teste a demie cassée, les autres ayant perdu les vns vn bras, les autres vne jambe, d'autres tous couuerts de playes & de sang tant au visage qu'aux autres partie de leurs corps.

Les prisonniers des deux partis qui estoient trois cens de l'armée de son A. R. (dont cent sont relaschez) & deux cens des Mazarins furent eschangez les vns pour les autres & en auons veu icy quelques vns de l'armée de son A. Royale deliurez, qui ont raconté les particularitez de ce combat, & de plus on assure que pour dix de tuez des gens de sadite A. Royale, il y en auoit cinquante de l'armée Mazarine, mais elle auoit beaucoup plus de prisonniers: neantmoins l'honneur est demeuré à sadite Altesse, par la generosité de ces trois Regimens qui sortirent de la ville & qui firent merueilles au combat.

De puis les troupes Mazarines se sont
auancez vers Paris, les vns approcherent iuf-
ques au Bourg de Villejuifue, le Lundy 6.
May qu'ils pillerent entierement.

Autres prirent leur marchent vers Palai-
seur en intension de prendre le bourg & le
piller, mais comme il y a dedans prez de 8 cens
bons habitans à droits à tirer le Mousquet &
le Fusil, joint que son Altesse Royale leur a
enuoyé fix cens casques de pouldres, avec pa-
rolle d'y faire encore conduire quelques Ca-
nons, ils se deffendent vaillamment.

La pluspart des autres troupes Mazarines
sont à Chastres & Lon-Jumeau.

Il faut remarquer que les garnisons d'Es-
tampes poursuiuirent les Mazarins deux lieues
durant l'espée aux reims.

Que Monsieur le Prince de Condé entre
les prisonniers Mazarins à vingt Officiers, &
quantité desdits prisonniers ont pris party
parmy ses troupes.

F I N.

